

Sarajevo, 22.02.2022. godine

Skupština Kantona Sarajevo

Admela Hodžić samostalna zastupnica u Skupštini Kantona Sarajevo

**KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA KS**

PREDMET: ZASTUPNIČKA INICIJATIVA

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20) podnosim inicijativu Vladi Kantona Sarajevo da se u 2022. godini odnosno u ovoj budžetskoj godini razmotri mogućnost promjena kriterija prethodnih javnih poziva za ostvarivanje prava prilikom rješavanja stambenog pitanja mladih, odnosno da u narednom javnom pozivu za 2022. godinu stoji sljedeća izmjena **umjesto u prethodnom pod a):**

- Uslovi koje kandidat za subvencioniranje rješavanja stambenog pitanja mladih mora ispuniti su:
 - da je starosne dobi od navršenih 18 godina do manje od navršenih 38 godina u momentu podnošenja zahtjeva,
- u narednom javnom pozivu stoji izmjena :**
 - da je starosne dobi od navršenih 18 godina do manje od navršenih 41 godina u momentu podnošenja zahtjeva.

Ovom inicijativom tražim da se izmjenom kriterija starosna granica za ostvarivanje prava za subvencioniranje rješavanja stambenog pitanja mladih sa do navršenih 38 godina starosti pomjeri na do navršenih 41 godine starosti, kao i izmjenom kriterija da se mladi ljudi koji imaju minimalna mjesečna primanja, ugovore na određeno vrijeme i mladi ljudi koji su na evidenciji u Službi za zapošljavanje KS a za stanovanje koriste roditeljsku kuću ili koji imaju bilo kakav smještaj za koji trebaju sredstva kako bi se poboljšali uslovi stanovanja u istim. narednim javnim pozivom uvrste u dodjelu sredstava.

OBRAZLOŽENJE

Smatram da su potpuno opravdani zahtjevi mladih ljudi KS koji su tražili izmjenu kriterija za naredni javni poziv i pomjeranje starosne granice sa do sadašnjih navršениh 38 godina starosti na navršenu 41 godinu starosti prilikom ostvarivanja prava za dodjelu sredstava za stambeno zbrinjavanje mladih ljudi koja je do sada iznosila 10.000 KM.

Kategorija stanovništva koja je najviše bila pogođena pandemijom je upravo ova koja pripada mladim od 18 do 38 godina, međutim u vrijeme kada pandemija počinje s početka 2020. godine mnogi mladi ljudi su tada ostali bez posla izgubili pravo da uopće dobiju kredit i da počnu sa rješavanjem svog stambenog statusa. Neki od njih ni do danas nisu uspjeli vratiti izgubljeno radno mjesto ako i jesu njihova primanja su danas kod većine daleko manja nego u 2019. godini. Mnogi od njih još uvijek traže posao sa pristojnim primanjima kako bi ih komercijalne banke uopće uzele u razmatranje za dodjelu namjenskih kredita za kupovinu stana.

Zbog svega navedenog smatram da su zahtjevi i očekivanja mladih ljudi Kantona Sarajevo potpuno realni i za očekivati je da Vlada iznađe sredstva i uvrsti sve građane KS do navršene 41 godine starosti u plan dodjela sredstava i kreiranja narednog javnog poziva za ove svrhe.

Također smatram da su potpuno opravdani zahtjevi i mladih ljudi KS koji imaju ugovore na određeno, minimalna primanja i oni koji su na evidenciji Službe za zapošljavanje i da su sigurno u većoj potrebi od onih koji imaju stalni posao i visoku platu i samo zbog toga su obuhvaćeni kriterijima za subvenciju.

Moram napomenuti da su mnogi od njih ne svojom krivicom na ugovorima na određeno vrijeme i na minimalnim mjesečnim primanjima te se i oni nadaju da će jednoga dana biti obuhvaćeni kriterijima za dodjelu sredstava za subvencioniranje stambenog zbrinjavanja mladih KS.

Pojedini zastupnici su do sada dobili mnogobrojne poruke mladih ljudi KS koje počinju sa rečenicom "Ko ima dajte mu još, ko nema ne dajte mu ništa" upravo zbog toga smatram kao i većina moji uvažениh kolega zastupnika, bez obzira da li trenutno djeluju u SKS kao pozicija ili opozicija, da su svi gore navedeni zahtjevi za izmjene koji su predloženi da se izmjene u narednom javnom pozivu realni i opravdani.

Napominjem da je Skupština KS u svojoj Strategiji za mlade KS za period 2019.-2023. godina ovaj projekat prepoznala kao kvalitetnu mjeru usmjerenu ka podršci stambenog rješavanja mladih.

Admela Hodžić, zastupnica u Skupštini Kantona Sarajevo